

【欲性】（科註第八四八頁第八行）

《佛學大辭典》：（術語）眾生種種之欲望為其本性。佛說法必隨此欲性也。

法華經方便品曰：「種種所行道，若干諸欲性。」

【了了見】（科註第八四九頁第八行）

《三藏法數》：謂人眼根清淨不壞，自觀掌中阿摩勒果，了了分明。菩薩見於菩提涅槃之果，亦復如是，是名了了見。
（阿摩勒，熱帶植物，其樹葉似棗，花白而小，果如胡桃，味酸甜，可入藥。）

【了因佛性】（科註第八四九頁倒數第六行）

《三藏法數》「三因佛性」：「出金光明經玄義」

梵語佛陀，華言覺。覺即三智圓明，遍一切處，無不照了，名大圓覺；性，即不改之義。以大覺性不增不減，非變非遷，一切眾生，無不具此三因佛性，此因若顯，即成三德妙果也。
（三智者，一切智、道種智、一切種智也。三德者，法身德、般若德、解脫德也。）

一、正因佛性：正謂中正，謂中必雙照三諦具足，名正因佛性。（中正者，離於邊邪也。雙照者，照空照假也。空謂蕩一切相，即是真諦；假謂立一切法，即是俗諦。非空非假，即是中諦。故云三

諦具足。)

二、了因佛性：了謂照了。謂由前正因發此照了之智，智與理相應，故名了因佛性。

三、緣因佛性：緣即緣助，謂一切功德善根資助了因，開發正因之性，故名緣因佛性。

《佛學大辭典》「三因佛性」條(節錄)：(名數)涅槃經所說：

一、正因佛性，離一切邪非之中正真如也。依之成就法身之果德，故名正因佛性。

二、了因佛性，照了真如之理之智慧也，依之成就般若之果德，故名了因佛性。

三、緣因佛性，緣助了因，開發正因之一切善根功德也。依之成就解脫之德，故名緣因佛性。